

**სამაგისტრო პროგრამის დასახელება:**

მედია და ახალი ტექნოლოგიები

**მისანიჭებელი აკადემიური ხარისხი**

გამოყენებითი ჟურნალისტიკის მაგისტრი (MA in Applied Journalism)

**სამაგისტრო პროგრამის ხელმძღვანელი:**

თსუ ასოცირებული პროფესორი დალი ოსეფაშვილი

**სამაგისტრო პროგრამის ავტორი და კოორდინატორი:**

თსუ ასისტენტ პროფესორი დავით პაიჭაძე

**სამაგისტრო პროგრამის მიზანი, შედეგი და მაგისტრთა დასაქმების სფეროები**

სამაგისტრო პროგრამის მიზანია, ჟურნალისტიკა შეასწავლოს ადამიანებს, რომელთაც უკვე მიიღეს სულ ცოტა, ერთი უმაღლესი განათლება. პროგრამა ორიენტირებულია სხვა, არა ჟურნალისტის კვალიფიკაციის მქონე ბაკალავრებსა და მაგისტრებზე, რომელთაც ახალი პროფესიის დაუფლება გადაწყვიტეს. სამაგისტრო პროგრამა უპირატესად მომართულია ასეთ ადამიანებში ჟურნალისტისათვის აუცილებელი უნარების გამომუშავებაზე, რასაც ახლავს მათთვის ჟურნალისტის საქმიანობისათვის საჭირო პროფესიული ეთიკისა და მინიმალური თეორიული ცოდნის გადაცემა.

სამაგისტრო პროგრამის დასრულების შემდეგ მაგისტრს ეცოდინება, როგორ მოიპოვოს, დაამუშავოს, გაავრცელოს და შეინახოს ინფორმაცია, როგორ იმუშაოს წყაროებთან და მონაცემთა ბაზებთან. მაგისტრს ექნება საკმარისი კომპეტენცია, რათა ძალიან მაღებ გაიაროს ადაპტაცია გაზირების, ჟურნალში, რადიოში, ტელევიზიასა თუ ინტერნეტ-გამოცემაში მუშაობის დაწყებისას, ეცოდინება თითოეული მათგანისათვის საჭირო წერა, გაეცნობა მედია თრგანიზაციის მართვასა და სტრუქტურული დანაყოფების ფუნქციებს. გარდა ამისა, მას ექნება სპეციალური ცოდნა, რომელიც წინამდებარე სამაგისტრო პროგრამის გავლამდე მიიღო უმაღლეს სასწავლო დაწესებულებაში, რაც ხელს შეუწყობს მისი, როგორც ჟურნალისტის გარკვევას ადამიანური საქმიანობის კონკრეტულ სფეროში და წაახალისებს დარგობრივი ჟურნალისტიკის განვითარებას.

მაგისტრატურის კურსდამთავრებული შეიძლება დასაქმდეს ყველა სახის მედიაში, იქნება ეს საზოგადოებრივი, კერძო თუ საოქმო

გამოცემები ან მაუწყებლობები. მაგისტრი მზად იქნება შეეგებოს მსოფლიო მედიის ახალ გამოწვევასაც მედიის კონვერგენციის პროცესს, როცა იშლება მიჯნა ბეჭდურ და სამაუწყებლო მედიებს შორის ინტერნეტის მეშვეობით და დაბეჭდილ გამოცემათა ურნალისტებს შეუძლიათ ამ გამოცემების ვებ გვერდებზე განათავსონ პუბლიკაციის შემავსებელი ფოტო, აუდიო და ვიდეო მასალები. საქართველოშიც მოსალოდნელია ინტერნეტ მედიის განვითარება და ამ სამაგისტრო პროგრამის კურსდამთავრებული შეძლებს დასაქმდეს ასეთ მედიაშიც.

## 6. სამაგისტრო პროგრამაზე მიღების წინაპირობები

მაგისტრატურაში ჩასარიცხად მიზანშეწონილად მიგვაჩნია მხოლოდ უცხო ენაში გამოცდის ჩაბარება. გამოცდის წარმატებით ჩაბარება გულისხმობს უცხო ენაში (არა რუსულსა და აღმოსავლურ ენებში) ცოდნის დადასტურებას, მინიმუმ, **B1** დონეზე. ვინაიდან მაგისტრატურაში სწავლის მსურველი დამწყებია ურნალისტიკაში, ჩვენ არ ვითხოვთ გამოცდის ჩაბარებას ურნალისტიკის რომელიმე დისციპლინაში. შესაძლებლად მიგვაჩნია, დავჯერდეთ გასაუბრებას. ამასთან, მაგისტრატურაში სწავლის მოსურნეს აუცილებლად უნდა ჰქონდეს ერთი საუნივერსიტეტო განათლება მაინც ნებისმიერ სფეროში, ბაკალავრის ხარისხი ან დიპლომირებული სპეციალისტის სტატუსი. ცხადია, შეიძლება ჰქონდეს მაგისტრის ხარისხიც, ოდონდ არა ურნალისტიკაში.